

Broj: 01-05-6-05168/2018-III
Sarajevo, 26.10.2018. godine

Na osnovu čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), u skladu sa Odluke Vlade F BiH o odobravanju nabavke jednog službenog putničkog motornog vozila za potrebe Federalne uprave za inspeksijske poslove broj: V. broj 1123/2018 od 13.09.2018. godine, a nakon razmatranja Preporuke Komisije za javne nabavke broj: 01-05-6-05168/2018-II od 25.10.2018. godine, Direktor Federalne uprave za inspeksijske poslove u ime ugovornog organa, donosi

O D L U K U

**o dodjeli ugovora za javnu nabavku 1 (jednog) službenog putničkog motornog vozila za potrebe
Federalne uprave za inspeksijske poslove**

I

Prihvata se Preporuka Komisije za javne nabavke uprave broj 01-05-6-05168/2018-II od 25.10.2018. godine, te se Ugovor o nabavci roba–I (jednog) službenog putničkog motornog vozila, po provedenom postupku konkurentskog zahtjeva za dostavu ponuda, dodjeljuje ponuđaču „Auto centar Betanija“ d.o.o. Sarajevo.

Ugovor sa ponuđačem „Auto centar Betanija“ d.o.o. Sarajevo, zaključit će se pod slijedećim uslovima:

- Marka i tip vozila: Suzuki „Vitara“ GL 2WD, 1.0 MPI, snage motora 82 kW, zapremina motora 998 ccm³, 2018. godina proizvodnje, pogonsko gorivo: benzin, boja karoserije: bijela nemetalik 0,00 i ostalim karakteristikama iz ponude broj 003-1417718 od 23.10.2018. godine
- Cijena vozila bez uračunatog PDV-a 22.179,49 KM, odnosno 25.950,00 KM sa PDV-om
- Rok isporuke vozila ugovornom organu: najkasnije do 24.12.2018. godine
- Garantni rok za vozilo: 4 (četiri) godine ili 120000 km
- Rok i način plaćanja: plaćanje će ugovorni organ izvršiti najkasnije u roku od 30 (trideset) dana od dana prijema fakture
- Izabrani ponuđač će za vozila isporučiti set gumenih patosica dodatni set zimskih guma.

II

Izabrani ponuđač iz člana I odluke je dužan u roku od 5 (pet) dana od dana prijema odluke dostaviti ugovornom organu dokaze zahtjevane tačkom 12. tenderske dokumentacije, kojim potvrđuje da u momentu predaje ponude:

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

III

Po isteku žalbenog roka ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

IV

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Direktor Federalne uprave za inspekcijske poslove je svojom odlukom broj: 01-05-6-05168/2018 od 27.09.2018. godine pokrenuo postupak javne nabavke roba - 1 (jednog) putničkog motornog vozila, za što je saglasnost dala Vlada F BiH svojom odlukom o odobravanju nabavke jednog službenog putničkog motornog vozila za potrebe Federalne uprave za inspekcijske poslove broj: V. broj 1123/2018 od 13.09.2018. godine.

Komisija sa javne nabavke je izvršila pripremu tenderske dokumentacije, te je na Portalu javnih nabavki dana 04.10.2018. godine objavljeno obavještenje o nabavci predmetnih roba, broj obavještenja 1292-7-1-18-3-12/18.

Također, u skladu sa odredbom člana 88. stav (1) Zakona o javnim nabavkama Bosne i Hercegovine („Službeni glasnik BiH“, broj 39/14), istovremeno sa objavljivanjem na Portalu javnih nabavki zahtjev za dostavljanje ponude je upućen na adrese 3 (tri) ponuđača, i to „Auto-moto centar Biba“ Tuzla, „Berlijeta“ d.o.o. Visoko i „Auto centar Betanija“ d.o.o. Sarajevo.

Dana 25.10.2018. godine, sa početkom u 12,15 sati je komisija za javne nabavke je izvršila javno otvaranje blagovremeno pristiglih ponuda, te je tom prilikom u zapisniku sa otvaranja ponuda konstatovano da je ponudu dostavio jedan ponuđač, i to „Auto centar Betanija“ d.o.o. Sarajevo, sa cijenom ponude u iznosu od 22.179,49 KM bez PDV-a, odnosno 25.950,00 KM sa uračunatim PDV-om.

Na zatvorenom sastanku održanom dana 25.10.2018. godine, Komisija je izvršila evaluaciju ponude, te je tom prilikom konstatovala da je ponuđač dostavio traženu dokumentaciju kojom potvrđuje da ispunjava sve uvjete utvrđene tenderskom dokumentacijom i da ne postoje razlozi za odbacivanje iste. Također je konstatovano da je ponuđač ponudio vozila Suzuki „Vitara“ GL 2WD, 1.0 MPI, snage motora 82 kW, zapremina motora 998 ccm³, 2018. godina proizvodnje, pogonsko gorivo: benzin, boja karoserije: bijela nemetalik 0,00 i ostalim karakteristikama iz ponude broj 003-1417718 od 23.10.2018. godine. Komisija je utvrdila da je ponuda prihvatljiva kako sa aspekta tehničkih karakteristika ponudjenog vozila, tako i sa aspekta cijene ponudjenog vozila i da je cijena vozila u skladu sa planiranim i od strane Vlade F BiH odobrenim sredstvima za realizaciju predmetne nabavke.

Također, komisija je konstatovala da je ponuđač svojom ponudom odgovorio pozitivno na zahtjev iz tenderske dokumentacije u kojoj je traženo da ponuđači u sklopu ponude ponude i set gumenih patosica i set zimskih guma, što je dodatni argument u prilog ocjeni da je ponuda prihvatljiva.

Obzirom da je članom 89. stav (3) Zakona o javnim nabavkama BiH propisano da će u postupku konkurentskog zahtjeva za dostavu ponuda u situaciji kada ugovorni organ primi jednu prihvatljivu ponudu dodjeliti ugovor tom ponuđaču, a da nisu nađeni razlozi za odbacivanje ponude iz bilo kojeg zakonskog niti suštinskog razloga, komisija je dala preporuku direktoru uprave da u ime ugovornog organa donese odluku kojom će ugovor o nabavci službenog putničkog motornog vozila za potrebe Federalne uprave za inspekcijske poslove dodijeliti ponuđaču „Auto centar Betanija“ d.o.o. Sarajevo.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

1. „Auto centar Betanija“ d.o.o. Sarajevo, Alipašina bb, 71000 Sarajevo
2. Sektor za materijalno-finansijske i tehničke poslove
3. Sektor za tehničku podršku i plansko-analitičke poslove
4. Komisija za javne nabavke (a/a).

Fehima ef. Čurčića broj 6, 71000 Sarajevo, Tel: ++38733 563360, Fax: ++38733 563361